

Acta da sesión extraordinaria da Comisión de Calidade da Escola de Enxeñaría de Minas e Enerxía do 8 de xuño de 2020

Anexos:

- I. Convocatoria da CGIC do 08/06/2020
- II. Asistentes á CGIC do 08/06/2020
- III. Modificacións das guías docentes do curso 2019/2020

Ábrese a sesión ás 11 horas e 30 minutos na Sala de Xuntas 1 da Escola de Enxeñaría de Minas e Enerxía no Campus Remoto, presidida pola Presidenta, Dona Elena Alonso Prieto, e trátase o seguinte punto da orde do día:

- **Aprobación, se procede, das modificacións das guías docentes do curso 2019/2020.**

A Presidenta agradece en primeiro lugar o traballo das persoas coordinadoras das titulacións do centro e lembra os procedementos previos de adaptación das guías á situación de docencia non presencial. Sinala que agora se trata de adaptar as guías para a avaliación da segunda oportunidade tendo en conta que os exames serán non presenciais.

A Presidenta lembra que as modificacións das guías foron enviadas previamente aos membros da comisión, cos axustes propostos marcados en verde, e propón revisalas titulación por titulación.

A continuación a Directora cede a palabra a David Patiño, coordinador do Grao en Enxeñaría da Enerxía (GEE), para que expoña as principais modificacións propostas nas guías das materias deste grao. Este comenta que os cambios son puntuais e moi poucos xa que se non se especificaba o carácter presencial da proba e o tipo da mesma se vai manter, non se require a modificación da guía.

A comisión aproba por asentimento as modificacións propostas para as guías do GEE.

A continuación a Directora cede a palabra a María Araújo, coordinadora do Grao en Enxeñaría de Recursos Mineiros e Enerxéticos (GERME), para que expoña as principais modificacións propostas nas guías das materias deste grao. Esta comenta que os cambios son

puntuais nas materias comúns aos dous graos e algo maiores nas materias propias, xa que ao ter pouco alumnado tendeu a incluír a avaliación oral.

A comisión aproba por asentimento as modificacións propostas para as guías do GERME.

Por último, cede a palabra a Teresa Rivas, que foi quen coordinou o proceso de revisión das guías doentes no Máster Universitario en Enxeñaría de Minas (MUEM), para que expoña as principais modificacións nas guías. Esta comenta que hai cambios en 6 materias, consistentes basicamente na modificación dos pesos das diferentes metodoloxías, e aclara que todos eles son razoables e se axustan ás recomendacións.

A comisión aproba por asentimento as modificacións propostas para as guías do MUEM.

A Directora agradece a labor das persoas coordinadoras, do profesorado e da delegación de alumnado e comenta que todas as modificacións aprobadas das guías se publicarán no espazo habilitado na web do centro e na plataforma DocNet.

Sen máis asuntos que tratar, levántase a sesión ás 11 horas e 41 minutos do día de hoxe, do que como Secretario dou fe en Vigo, a oito de xuño de dous mil vinte.

Vº e Prace

A Presidenta

O Secretario

Elena Alonso Prieto

Guillermo García Lomba



ANEXO I

Convocatoria da CGIC do 08/06/2020

Por orde da súa Presidenta, convócase a todos os membros da Comisión de Garantía de Calidade da Escola de Enxeñaría de Minas e Enerxía a unha sesión **EXTRAORDINARIA** que terá lugar o 8 de xuño de 2020, ás 11:30 en única convocatoria. A reunión terá lugar na [Sala de Xuntas 1](#) da Escola de Enxeñaría de Minas e Enerxía **no Campus Remoto** (*), e tratarase o seguinte punto da

ORDE DO DÍA:

- Aprobación, se procede, das modificacións das guías docentes do curso 2019/2020.

Vigo, 4 de xuño de 2019

O Coordinador da Comisión de Calidade

Guillermo García Lomba

(*) **Indicacións:** acceder á sala do Campus Remoto como estudiantado coa **contrasinal 1DL6QsL (ele-De-Ele-De-6-Qu-ese-Ele)** e indicando o nome completo. Para a acreditación e control de asistencia é imprescindible activar a cámara ao inicio da sesión. En caso de non dispor de cámara prégase comunicalo por email ao secretario (eme.secretaria@uvigo.es) que lle indicará o método de acreditación complementario.



ANEXO II

Asistentes á CGIC do 08/06/2020.



Asistentes á Comisión de Garantía de Calidade do 8 de xuño de 2020	
Elena Alonso Prieto	Presidenta / Directora
María Araújo Fernández	Coordinadora Grao ERME
Carmen Filgueira Sánchez	Representante do Alumnado
Guillermo García Lomba	Secretario / Coord. Calidade
Elena González Rodríguez	Representante do PDI
David Patiño Vilas	Coordinador Grao EE
Teresa Rivas Brea	Enlace Igualdade
Ana Rodríguez Rodríguez	Calidade Máster EM
M ^a Carmen Romo Pérez	Repr. da Administradora do centro



ANEXO III

Modificacións das guías docentes do curso 2019/2020